

ՀԱՊՐՈՒԹԻ ՇՐՋԱՆՈՒՄ ՄԻՋԱԴԵՊԵՐԸ ՇԱՐՈՒՆԱԿԻՈՒՄ ԵՆ

Թէեւ անցած Կիրակի Հաղ-
րուքի շրջանի խառը բնակչութիւն
ունեցող Տող գիւղում զինուո-
րականների միջնորդութեամբ հա-
յերի եւ ազերիների միջեւ կնքուել
է զինադադարի պայմանագիր ու
ստեղծուել՝ «կոնֆլիկտային յանձ-
նաժողով», երկու ազգերի բնակ-
չութեան ներկայացուցիչներից
բաղկացած, միջադէպերը շրջա-
նում շարունակուում են: Հոկտեմ-
բերի 15ին ծանր վիճակում Ստե-
փանակերտի հիւանդանոց են բեր-
ուել 27ամեայ Գարիկ Մարգար-
եանն ու 27ամեայ Առուստամ Բե-
ջանեանը: Հողագործական աշխա-
տանքներ կատարելու ժամանակ
հայ տրակտորիստների վրայ
յարձակուել են մի խումբ ադրբե-
ջանցիներ ու կրակ բացել անգէն
մարդկանց վրայ: